

www.BibleForChildren.org

Matiyu 26



Wok Yudawiligu
ngeragi yemane
miza nibek logo
Pasobabek meibek weik
mereke. Logo Pasobara
mizagine were wok melenazik
keya nazikka nak piyengke
Yisu paka Petani yogo
Lasara pugu ibendaga
yangalekta wazamiyabokki
yerendaga kambela.



Pulaga Maliyago
weli wazono
kukngizi keli king
yemane wezamela nak
weiya logo Yisugi ingeyauge
weli mela wazamiya logo pulaga
kebi nganelek yokolong
ngezemelegirago ingeyau
tumula mowiya. Logo imak
mamak weik welibekka
kukngizimokko kola.




Togo pulaga yombu meleyau keya pongo ingenazikka
neyau Yisugu waligeleyiwiliyaga nak, Yuras Isaliyoto
meibek, yombu Anotoyegi kolak
miziwiligi ngaiwiliyegi kambela
logo pelik yeiya, Nogo kazing
Yisu mele inuguyengke miza
yanagimekki weliweki
mizi, yeiya.



Yombu yaka puwili puragi kerewiya logo wilik miza
logo puwiligu pi king managi sawiya. Togo Yuras weik
kazing liwik Yisu yombu ulagi
puwiliyegi mizi yanagi
namekki weik
welageya wiziya.




Togo yombu pugu waligeleyiwili
kambela logo Yisugu yaka kaiya
pilik miza logo weik i pumakke
ngeragi Pasobaragi kumuliweki
nagiyeng ngayek miza wiya. Togo
puwili ngeragiyeng nageya koyigeya
Yisugu pereksik weiya logo Anotoyegi
wazono meiya logo sikila logo yombu
pugu waligeleyi puwili yanageya
wizimowei pelik
yeiya, Ya, weiya
logo ni. Pobuzikku
walimizi purik korik
nogowekki walimizi
yagenda mena ni, yeiya.



Togo pulaga kalike pugu kai waing
kakpek weiya logo Anotoyegi
wazono meiya logo yombu pugu
waligeleyiwili yanageya wizimowei
pelik yeiya, Ya, weiya logo ini
mabuwili ni, purik kai waing kak
pobokko walimizi purik iwi
nogobekki walimizi yagenda.



Pokko walimizi purik Anotogo
yongkambanukolokngagonowiligi
kaileyeng tumula logo kemenak
ibengkiraga yaliya wazayagi
puragi langai ngago wik silok
tiya pura ngelagi ono,
kapura negi iwi kubula
walagibokko kozang
kelemiyagi.



Pulaga Yisugu Pitayegi pelik meiya, Simong, Simong,
kerewiye, Sadangko Anotoyegi yaka nguk meiya
kani ni yang keleniweki, yaweleige ngaibokko
iwing palewayengka kaileyeng kik kik kelemiya logo
wazonoyeng wei pilik. Kapura, Simong, nogo yaka nigi
neyegi ngizi kumuli pura kawiye nelegi Anotoyegi
waberek miza kani. Logo ni kawiyegi kapura ya
nugura kuneng miza
logo neyegi kowita
logo ni ngereke
yowekke purik
mabura ni nigi
kewengkewiliyegi
kozang
keleyimo,
meiya.




Pitago Yisuyegi pelik meiya, Yemizibek, ne ni kiling
panga wigirimakke wigiri keya ni kiling ibengweki
kangkere miza wizinda, meiya. Kapura Yisugu piyegi
pelik meiya, Pita, nogo nugu kai mangaira neiweki logo
pura pelik, kang neyauganara nugu yeik nogora liwik
wiyagi logo ni neyegi
lusuwei panu kaiya
wizigeya pulaga
winak talekmek
kai penangai,
meiya.



Togo pulaga Yisu kiling pugu waligeleyiwili
Lewak Olippekke yawe Kesemani
meileige wiriya logo Yisugu puwiliyegi
pelik yeiya, Pelege mogosa
koyi ne pangazuwa nangezi
Anotoyegi waberek mizigeya,
yeiya. Peba, O Peba nogobek,
nugu watabi mabiyeng
pangka mizagi legi nugu
neyegi ngangang wiriyagi
pura keya ibengki pura yeik sa
wazamiye kapura keli nogoraga
mizi nagani, pilik segeya
keli ni makngezegiragi
kiriwei mizimo, meiya.



Togo Yuras Yisugu yolu pulogo wiriya. Pi kiling
wiriyawili Rom Ami nawili keya Yuda wagela
Anotogi i walek yemanemakki ngai yolu nawili,
Anotoyegi kolak miziwiligi ngai puwili keya
Palisiwili meiwiligurau wezayela nawili
wiriya. Logo puwili lang keya
kilikkilik keya lamyeng kiling
wiriya. Nawili ngelelang
kazingmekke langiyiwei
wiriyagi nayendau
orowei wiriya.



Mabuwেকে পুৱিলিযাগা নাক্কো যম্ভু অনটয়গি কোলক
মিঝিলিগি নগাই য়েমনে পানুবেক্যগি য়াৱে মিঝিবেক্কি
কেৱেলিক নগাইগেজুৱাগেমেক পেটো উলা মেলা.
কাপুৱা য়িসুগু পেলিক মেইয়া, পিলিক মিঝি ৱাক.
য়াৱে পিলিক মিঝি পুৱা নগেৱেকে মিঝি
নাগানি, ৱিঝামিমো, মেইয়া লোগো
পুগু য়াকা যম্ভুবোক্কি কেবীৱা
কেয়া কেৱেলিকমেক্তাউ
কেবাংকেলা লোগো
যম্ভিযাংগাই ৱাঝামিয়া.



Puwiligu weik Yisu kebangkela logo pi miza orowei
panga yombu Anotoyegi kolak miziwiligi ngai
yemanebekki imakki kuna. Logo Pita ngereke yorik
Yisuyegi kalika koweige
kiriwei kuna. Pi yaka ngai
yemane panubokki
imakke kanda puwili
imakke yerengke
yezizik waliya
koyilege Pitarau
pulogo yezizikke
mogosa puwili
kiling mogosa

wiziya.



Pulaga Anotoyegi kolak
mizi puwiligi ngai yemane
panubekyegi yawe
mizibek logo Pitago
yombanu kerelik
ngaigezuwagemek peto ula
melabokki ingembubokko
piyegi pelik meiya,
Wameik panu, ni pi kiling
yengelei ngeriyamekke wizilege
nogo pakelabek, meiya.



Kapura ngereke Pitago
ngaigu, A'a', meiya logo
pilik kai ngizige weik
winak talekmek kai.
logo pi kuneng yemane
miza logo yenge yerengke
welagela kanda ingi
yemane panu kaiya.




Pulaga puwili mabuwili yangalek
meiya logo Yisu miza oroweirik
yombu ngabelak Yudaya meibekki
Rom Kapman ngaibek
Pailet meibekyegi kuna.
Togo Pailetgu piyegi
pelik nguk meiya, Ni
Yudawiligi King Ngaibek
ma yeik, meiya.


Tegi Yisugu pelik meiya to
mela, Ni makngezego kai
mabura, meiya.



Paillet pilik kisi puragi kerewiya
kapura pugu kelirik pi Yisu yeik
wila wazamiyagi keli legi
yongkambanu wawere
ulawiliyegi mazenda nguk
yeiya, kapura puwiligu
ngalizi pelik kek kisa yo
mela, Pi paka yengeleileige
nili ule, kisageya mizi.




Pulaga Pailet puragi kerewiya logo
puwiliyegi Yisu yengeleileige nili ula
wazamiyagi yeiya. Logo amiwili pi
miza orowei kuna. Pulaga amiwiligu
Yisu yengelei ngezebek nili ula
wazamiyagi nalei wagelibene mana
logo pi pulei wageliwei kuna. Puwili
weik ngabelak wale Kebi Kozarik
meirikke kanda logo Yudawiligi
ngago yeiktagarik,
Kologata, mei.



Logo Kologata pulogo Yisu
puwiligu yengeleileige nili ula
wazamiya logo yengeleilei luwe
lewamiya. Keya yombanu
neyaurau yengelei
neyauge mabilik
nili ula wazaya
logo Yisu
tepekke keya
yombanuyau nak
nazuwaga miza.



Yokmek ibeng wiziya puwekke kagorik Anotogi i walek
yemanemakke ngalege wiramiyarik libuga koliyara
narik narik miza. Yisu ngalizi panu pelik kek kaiya,
O Peba, ne kung nogobek mele
nuguzikke nani. Pi pura kaiya
logo pulaga weik ibeng.




Pilik mizarik wok melenazikpekke logo
wokpok Yudawili watabi puwiligi
wok yawe mizi onobek
meibekkiyeng ngayek
mizibek. Logo yokmek
kiliyagi merekewekke
yombanu Yosep mei
yereng Arimatiya
meiragabek

Pailettyegi kuna.
Yosep, pi yeik
wazonora kilimbek
keya pi yombu
ngagozakyengki
kerewiyiwiliyaga
nak, pi teng Anotogo
pigi ngaimekki
ngaigi puragi yuke
yolubek.



Pugu kumularik wok Sabatpek yawe
mizi onobek weik mereke legi pi
Yisugi yasurik wawiya logo
waliyiweki miza. Togo pi
kozang sa logo panga
Pailettyegi kanda
luweza wizimowei
Yisugi yasurik
wawiyiweki meiya.



Togo Yosep kagorik wilangka
wazono narik weiya logo pi Yisugi
yasurik orowei yerageya
logo kagoriktikku sape
miza logo mosindaga
king ururu yombanu
waliyiweki keremiza
namekke wiya.

Togo Yosep
kilingwiligu king
yemane panu nara
ulumowei kanda
Yisugi londagi
kandikke waliya
wazamiya.



Wok melenazikpekke piyeng pilik
miza. Wokpok yongkambanuwili
watabi Yudawiligi wok
yawe mizi onobek
Sabatpek
meibekkiyeng
ngayek mizibek.




Keya yokmek kiliya logo weik kusa logo
Yudawiligi wok wikpek Sarerebek
Sabatpek meibek weik
lewagela. Togo wokpokko
yombu Anotoyegi kolak
miziwiligi ngaiwili keya
yombanu Palisi mei
nawili Pailet kiling
wawere ula.



Pilik miza logo puwiligu Pailettyegi
pelik meiya, Yemanebek, Yisu,
yombu ngaigu kaibok
ulogo ngoluk wikwekke
pugu pelik kaiya, Ne
ibengki kapura wok
neyau wiziya logo
wok kalikebekke
ngereke wik

yangalektagi,
kaiya purik
tonuwago
kumula.



Tegi puwili kiling ami nawili kambela
logo londagi kanda londagi kandik
waliya panuweki puwiligu
king yemane panu nara
londagi kandikke waliya
wazamiya logo yengelei
yulung ngai Kalagalo
kelemiyagibokko
ngai kalagalo

kelemiya logo
amiwili
pulogo ngai
koyibene
wazaya.




Wok Sabatpek miza logo waleleige
wok Sondabekke wangane panu
Maliya Matalena keya Maliya
namele piyau Petani
yerenda wiya logo
Yisugi londagi pakeli
kambela. Togo nguk
namizi kuburuk
yemane nak uli

keya Yemizibekki
angelawiliyaga nak paka
ngalega kanda pugu king
yemane ulogo kandikke
waliyabek towilizamiya
logo king maburage
ngalege mogosa wizilege.



Keya ami pulogo Yisugi
londage ngai koyimawili
angelabekyegi
pakelawekke puwili
kulili yemane miza
logo leli ula mela

logo kawiye
wala logo
ibengwili
kelik koya.




Yongok piyau Yisugi londage
kanda piyangu angelabekyegi
pakelawekke piyaurau kazi
miza kapura angelabokko
yongok piyauyegi
pelik yeiya, Yali
kulili mizi wak.



Yali Yisu puwiligu yengeleileige nili
ulabokyegi weli purik ne iwaka.
Kapura pi pelege yolu ono,
pi yaka yangalekta, pi
ngezebokko kaiya pilik.
Pakeli koli, pelege
puwiligu pi ulogo
wiya wazamiya



Togo piyau Yisugi londaga welagela kanda
kulili mizi kapura wilikwilikmek kiling
piyau yombu pugu waligeleyawiliyegi
kozak yeiweki nginda kambela
logo nguk namizi Yisugu piyau
yoromaure keleya wizigeya
pelik yeiya, Wangane, yeiya.
Piyau Yisugi ingewerege
inge



piyaugiyeng
laliya logo piyegi ya kumula.





Piyeng mabiyeng miza logo kang narage yombu
meleyau keya pongo ingenazikka nak pugu
waligeleyawili mogosara ngeragi nageya tagogei Yisu
puwiliyegi tabunda logo puwiliyegi pelik ngalik yeiya,
Ini neyegi ngizi panu kumuli onora nangki? Kangka
inuguyeng yeik kani. Ne yangalek meiya logo nawiligu
neyegi pakela logo iniyegi kozak yeiya kapura inugu
puwiliyegi ngizi panu kumuli ono, yeiya. Keya pulaga
Yemizi Yisugu puwiliyegi ngago pura kozak yeiya logo
pulaga, Anotogo pi miza orowei paka ngalege kang
yongo logo Anotogi mele ngaigezikke pi
kiling ngaiweki mogosa yolu.



Purik Anotogo
ngabelakpekki
yongkambanu pewili mabuwiliyegi kela
panurikku pugu pigi Marek wamenakpek
wezamela, logo piyegi pi Kilisibek
miza logo ngizi panu kumuli puwili
mabuwili kemenak ibengki ono,
kapura wik koyimagira
kilingwili
miziweki.



Rom 3:23 Yombanu mamok kaile miza logo Anoto kaile
nayendau onobokyaga kokowa.

Rom 6:23 Purik kaileyengki kangara ibeng koyimagi pura
kapura Anotogo yongkambanu puguwiliyegi wik koyimagi
pura yeik yani, purik teni Yisu Kilisi tenigi Yemizibek
kiling sawelarikku.

Iburu 9:27 Keya Anotogo sawiya mabilik yombanuwili
kang wamenara ibengki keya pulaga ngagozak
yemaneraga pigi wirege ngagozak mizagi.

Epese 2:8 Ei, Anotogo keliragi wiyeke pigi wazono
tonugu weiyagi langai ono pugu yani logo Yisuyegi ngizi
panu kumularikku teni yaliya wazaya. Keya ngizi panu
kumuli pura teni makngezegira ono, a'a',
Anotogo teni yeik yanara.



Epese 2:9 Tonugu wazono mizi piyengko teni makngeze
kemenak ibeng koyimagi puraga paka ngalege kemenak
wik koyimagi puragiweki yaliya wazayagi ono, pilik kesak
teni pelik kisi kak, nogo ne makngeze yaliya
wazaniya, kisi kak.

Rom 10:9,10 Purik tamizeige nazuwagawiligi wirege kili ni
makngezegirago, Yisu Yemizi nogobek, kai keya yenge ya
nuguraga Anotogo pi ibendaga yangalekta wazamiya
purikki ngizi kumuli mabura Anotogo ni yaliya wazaniyagi.
Purik ya nugurago ngizi kumulirikku Anotogo ni ngezebek
kiling pangka mizi, keya nazuwagawiligi wirege kili ni
makngezegirago, Yisu Yemizi nogobek, kai puwekke
Anotogo ni yaliya wazaniyagi.



Yowan 3:16,17 Purik Anotogo ngabelakpekki yongkambanu
pewili mabuwiliyegi kela panurikku pugu pigi Marek
wamenakpek wezamela, logo piyegi pi Kilisibek miza logo
ngizi panu kumuli puwili mabuwili kemenak ibengki ono,
kapura wik koyimagira kilingwili miziweki.

Kapura Anoto pigi Marekpek ngabelakka pelege
yongkambanuwiligi kaileyengki wiyeke ngangang yaniweki
wezamela ono, a'a'. Pugu pi wezamela purik yongkambanu
mamok kaileyengki ngangang puraga yaliya wazayiweki.

1 Yowan 5:11-13 Peragi Anotogo pelik kaiya, Pugu teni wik
koyimagira yana logo wik koyimagi puragi solorik pigi
Marekpek. Tegi yombanu Anotogi Marekpek pigi yungke
yolubok piyegi wik wizagomagirarau wizinda keya yombanu
Anotogi Marekpek piyegi onobok wik wizagomagi purarau
piyegi ono. Ini Anotogi Marekpekyegi ngizi kumuli puwili
weik teni wik koyimagira kiling mamiziweki ne
iniyegi perik lende mizi.



Matiyu 26-28; Luka 22-24; Yowan 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Biangai Bible (big) © 1985, Wycliffe Bible Translators,
Inc. All rights reserved.

<https://live.bible.is/bible/BIGWBT/MAT/1>

©2026 Bible for Children, Inc.

www.M1914.org

www.bibleforchildren.org

